

樊

山

集

樊山集卷二十七

東園後集

起乙未十一月
訖丙申四月

恩施樊增祥嘉父

五十自述

自酌驚杯一莞然不成佛亦不成仙遂過伯玉知非日已及
曹公始滿年明鏡未生新白髮胡牀無改舊青氈半生潦倒
風塵底不受人憐恰自憐

七葉貂蟬楚將家 先公早種邵平瓜廚荒往往炊煙絕庭
立時時小杖加辛苦高堂和熊膽聰明長老惜龍牙初生便
是寒梅樹歷盡冰霜始著花

年少朱門學曳裾養親負米食無餘營巢自比啣泥燕登第
難於上竹魚南北東西三寸舌管收除在幾車書白頭阿姊
猶能記歲歲還家逼歲除

寂寥天地一孤生當路何人識姓名舊德自傷先友盡

先子罷官

歸無執訊者先師彭于翁誌曰仕宦三十年無一朋舊何耶

朝賢原視右班輕終年歷幾

金無色盡日彈碁玉不平若與劉孫稱雅素黑頭甯不致公

卿

貧賤糟糠棄所天玉臺須籍委花鈿樓中簫是無雙玉火裏
花非並蒂蓮莫謂宣鴻輕簡斥幸無姜豹共愁煎韶華畢世
能多少禁得寒房十七年

春明陌上士如林聯袂齊鷄總素心好事僧房觀錦段伴狂
都市碎胡琴歌呼酌以寬饒酒嚙諾堅於季布金罷耗春風
多少淚凝人心處是明誓

弱冠參隨上計車十年始看禁林花舉場屢用羅昭諫閣吏
終除蔡少霞仙掌露分消渴劑神山風送引回棧天關虎豹

猶如許去趁人開早晚衙

坊局清流盡達官傑然中處惠夷閒授書黃石曾心許

渭南皮師

請劍朱雲詎膽寒風節幾人誇鐵漢文章滿意破銅山顧廚

及皆名士總被申屠冷眼看

再入修門注牒新抱琴初現宰官身竟拋菰菜來遊洛但種

桃花不避秦斂板休矜鸞掖價到官新共鹿車人娶妻子

從頭起已閱韶光四十春

甲申服闋講選得宜川令是歲始膠嶺余年已三十九矣

京兆街頭走雪驄暫開官閣養萱叢乍看潘岳花如錦其奈

臯魚樹易風遊子春暉餘寸晷逮親祿米漫千鍾三年捧檄

誠多事五處量移類轉蓬

春風帳裏郟嘉賓解職仍參宣武軍畫燭銷凝吳苑雨麻鞋

騰踏嶺南雲恩門漫費移暄手幕府爭求覈事文漫浪江湖

行萬里重勞蠶室伴田君

邨作仄音田居作田君俱見唐人詩

宣南師友未凋零琴鳥依然聚玉京訪舊乍如魚得水還都
卽是女歸甯酒家備保猶相識樂府諸伶盡老成三百年來
無此樂題襟一集炳丹青

車騎雍容再入關自將小印署荆蠻九方知我驪黃外

謂定興公

二閣留人紫白閒燕睇舊巢因戀主馬循熟路自知還茸靴
重踐庚桑社士女依依識鬢顏

再權京兆領黃圖笙磬同音德未孤

謂長安傳羹堂大令荆縣兼行留

府事幕僚深忝薦賢書無功那合先諸將作婦差能事兩姑
莫以風塵掩文采時時典冊用相如

解印青門馬脫繩渭南水竹足徜徉花封略似黃移汝瓜水
時煩楚灌梁父老愛之如畏壘子孫居此卽桐鄉邇來詩招

稍頽放白陸家風未可忘

三韓五郡各烽煙小雅茗華絕可憐戰血流爲隴頭水新柔
栽滿海東田貳師無用終降虜一德胡顏號格天爲謝漢廷
諸將相於今梅尉是神仙

睡起冬暄過八軼訟庭斑駁長苔錢茶琴玉局傳雙帖書畫
元章滿一船老不趨時甘拙宦少而寡慾定高年道書攜向
松根看小雪初晴月上弦

吟罷東園自壽詩蜜梅花底坐支頤從和檀麝酬香寢餽飮
酥梨佐酒卮女出興門殊自慰兒堪當戶未嫌遲始知寒谷
冰霜後更有春風二月時

答晴谷同年以詩見祝

宦海浮沈久息機左弧初志備東遊耽詩今日高常侍載酒

前身杜紫微河上虎蹤慙北渡

來詩有循良之譽

江天鶴影任南飛

多君遠祝松喬壽拂拭龍脣瑟瑟徽

花門虜騎薄金城三輔騷然亦厭兵作吏分無安樂法出車

誰念苦辛行

來書云西路協甘車五百餘輛有送徒驅山之懼

江東晚飯鱸魚美關

內春衣蠟蠹生總把煙波易塵土白頭無奈庾蘭成

鹿溪院長壽余五十次荅一首

百年過半以詩雄髭鬢何心付染工老我看雲依渭北羨君
避世隱牆東香花有意酬樂布絲竹無勞講馬融無復當時
敢言氣香山今號嘒嘒翁

彥清書來竟如荆公所云變秀才爲學究矣見懷三絕

有還把詩人待故人之句其安身立命可知也亦賦

三絕調之

復堂老子擅真詞不遣烏衣子弟知誰識白頭孫教授被僂

誘引染吟

戊歲仲修先生語余云今後更不引誘良家子弟作詩填詞矣

鄭家詩義授雲鬢茂叔風流亦愛蓮不解喫茶與觀畫通人何苦學伊川

吳下糜生老一瓊漢唐日夜與周旋低頭獨下延陵拜商略平生到杜鵑

寄題彥清長興學舍三首

梅花屋

小徑橫枝罨絳紗客來親煮瓦鑪茶煙波社裏三閒屋天地心中數點花香到骨時疑中去酒小如船處當浮家高人讀易應須此莫與朝雲飾鬢鴉

望霞樓

小樓妥硯復安琴述德工爲謝客吟

君自敘先人築望霞樓以養親今基梅花屋爲

樓仍舊題焉

貞白仙姿高處立劉郎詩意晚來深雲中白鶴從招

手檻底紅梅盡見心

樓上看花盡見心近人向也

水鏡山巖都不異到官

猶是在家林

味菜根宦

早晚荒廚薦韭菘清齋真與老僧同盡收靈液丹田裏別寄

禪心玉版中隔屋梅花薰飯椀

見南雷詩歷

高齋薑蒜挂屏風萬

羊食盡投南海莫作人間李衛公

伯樂相馬圖

世閒無復九方臬天下誰知千里馬畫師作意寫青逸不教

流汗鹽車下萬巾綽衣神仙人眼如秋水識別真行經冀北

一眇眯頓令槽櫪生風雲星精下爲八尺龍帝阜豢作九真

麟憑君擎舉入霄漢拳毛獅子何足云得志與君蹴東海不
然水草江南美放逐難甘沙苑中圖形合在昭陵裏畫境依
稀逼宋元尺練零零遇樊川玉鈴倘押鷗波字定易朱門百
萬泉

歲暮偶述

香篆消寒暑幽禽下訟庭
幃眉荷屋畫硯背竹垞
銘陋室雪生白官窻雨過青
槁梧凭不厭歲暮一溫經

清渭照孱顏三年鬢未斑
城如修武小官比廣文
閒牘尾臨顛草屏心寫華山
歲豐民氣樂鼓笛迓春還

閒身常早起平曉過東園
年近雞豚貴晴多鳥雀喧
琴亭待春葺茶井入冬溫
當戶蓮峯秀支頤久不言

晚歲耽禪誦看經復善疑
般源真我輩支遁亦吾師
意蕊先

春發身雲出定遲欲芟煩惱樹終與道門宜

余雅薄張船山詩獨愛其依竹堂卽率四律脫盡習氣
其自跋云氣味枯淡非復曩時豪情逸氣蓋晚年近
道之作偶次其韻

南榮晴日滿殘臘好於春竹翠寒無恙蜂黃暖趁人諧來魚
價小改得鶴名新爲謝平津邱休誇作吏循

地劇官偏暇民醅訟不繁唐花誰作窖

前任某君作暇窖養
花以饋大府今廢

諫果自名軒一鉢兩芒屨十詩九寓言心希紫芝侶小印署

東園

玉署辭東馬青山待尙禽驥無千里志鷗有五湖心老樹春
前綠幽花雪後尋長安多舊雨手帕膠雙金

靜夜眠常早清朝飯每遲書憎倭粟本塾課紀家詩聽客爭

壺馬呼兒倒酒鴟穴官足清福莫遣外人知

荅爽秋觀察

吳波如鏡漲于湖照見袁絲擁隼旟幕佐尋常皆國士至文
揮灑似家書皆用來書中語青絲漫絡天閑馬春網仍思土步魚擬
續松陵酬唱集五湖歸櫂定何如

疊韻調爽翁

史稱張敞尹京兆事有甚於畫眉者公如元子耦南康相憐
何獨老奴也入宮見忌古有然謂卿不可某亦且欲爲邢尹
作調人苦吟磨瘦香姜瓦

歲除示客二首

搗來三食渭南桃又見公堂賦獻羔豢養籠鸚支月俸拊循
攄馬計年勞山梅紫蒂爭春發水柳青條壓屋高贏得歲除

無一事自將小賦寫松膠

嵇生龍性與時違南物攸人頗念歸總把羣兒嗤昨暮可應
來啟悔今非

元日閨詞 以下兩申

堂前兒女競青紅綵勝宜春翦貼工昨夜不眠朝又困半窗
晴日倚薰籠

小瓊冰糖淪建蓮鞭聰祝寶語蟬媽朝來嬉子如錢小飛着
盤龍鏡幙邊

入夜再賦

玉爐添火暖紅房卍字簾樵煮棗香絳燭垂花人睡早熏籠
亂搭繡衣裳

大扇窗扉鏤玉錢一雙香兔抱微煙四更酒醒相如渴酥醪

青柑在枕邊

爽翁盼余除江南一州得共遊醜賦此誌感

前身駐錫南朝寺飽嘯湖光與山翠
衣祴猶沾波律煙星梁待補金經字
羸車班班西入秦五年不見江南春
南中可但鱸魚美酒媪菜傭俱可人

獻書九事入爲律同袍六人五當軸
人生榮落固有時獨惜風塵凋鬢綠
江南畫舸煙雨濃隱囊紗帽騎春風
南山射獵不稱意倘有江船吾欲東

古人霸府開江外椽屬英英得辟置
內重積自明以來探籌壘薪可長喟
汲黯妄發故見疏玉溪不黨成輕棄
君不見香鑪峯下周子南一生在
被元規賣

人生由來貴適意斗大一州安足據
徑須解帶就松菊那更

帷車學新嬾明公當代呂與申夷吾江左真其倫梅花如海
開東閣第一朱游是故人

秦庭燭武嶽寄士壯不如人今老矣朝看百丈華山雲夕飲
一杯清渭水東海生桑萬事新江東莫憶紙裘人祇應調護
凌雲氣好待西巡玉輅塵

賀歲至省門喜晤晴谷羹唐雲白蘭晚諸君

簿書人困公家事茶果尋常那得同百里趁衙官馬健

余與諸君

皆一日而至五人映燭酒顏紅鶯花隴右銷兵氣鰕菜南中祝歲
豐諸君皆南人更罄小槽新竹葉柳條明發又西東

竺生大令留飲因贈

歸自征西幕相逢處士家蜀裘無錦段楚夢滿煙沙書架酬
新賦燈枝裊舊紗弟兄真乳酪父子喻梨楂玉色偏提酒花

香名茶正焙茶淡壺隨冷餅生菜似梅花促坐消春冷遲歸待
月斜醉來雙耳熱忘是在天涯

雲生枉過夜話郎約爲涓城之游

看竹三年別栽花百里同題詩人日後繫馬月明中晚鏡添
眉翠春醪補頰紅涓城賭妍唱遲爾柳條東

月下羣飲示蘭畹雲白

春寒無力敵貂裘快瀉蘇家藥玉舟酒如金隨手盡月華
似水滿身流獨醒未必勝平皆醉盡短何妨卜夜修二子題
詩並豪健興酣搥碎任城樓

新歲漫興

晏坐楊家七客寮博山香炷等閒燒御陶蕘病無茅篔正透
犀紋有豆椒經注丹黃叅九水印文紅白愛三橋春來晴日

多於雨嬾著金箱舊黑貂

賀歲歸來樂也融

時歸自青門

錦堂初暖試燈風官袍似草通身

碧春酒如霞上面紅百福名香溫斗帳九微芳火映紗籠欲

知里社豐年喜盡在花棚鼓笛中

薰修

終歲薰修苗寸芽園蒲軟美結跏寫經細界觀音紙供佛
添栽寶相花坐惜隙光飛野馬閒調正氣鍊河車邇來氣味
親蔬筍自著儒衣禮釋迦

春孟有懷爽秋同年

春到江南草木青思君中夜望台星十三篇廣兵家注

君嘗謙言

願入水師學

堂讀十年書二百籤疑小品經

君遠於佛理

詩好入於宣聖室酒

醒長坐醉翁亭部中多少南朝寺可要雲門挂錫餅

春城晚望

閒凭粉堞數歸鴉側帽東風攬物華天際雲舒樓閣錦春來
水膩麴塵紗連村桑柘參差綠繞郭梨桃次第花歲後差科
渾未動晚霞詩意故應賒

上元後一夕月食

明珠海上幾沉浮暫遣清輝斂九州斗覺煙塵遮玉鏡忍將
圓缺聽金甌嫦娥小劫知難避蟾兔無功亦自愁吳質不眠
倚青桂廣寒宮殿要重修

丙申正月十七日縣試用去年韵示寶衡中兒

戰文當如皂落河卓筆當如宰堵波少年一篇出場屋洛紙
寫貴金花羅求官晚除百里長何異諸蠻國於蝸經年辛苦
學釀蜜試廊又見開蜂窠賦才伊誰號八米但覺有船皆上

水臨文爭照潘家鏡學書那辨隋宮醴分無快士鬻牛心時
有小明炫螢尾風味儒酸信可人油燈夜勘朱闌紙今年晴
暖勝去年市橋燈火春風顛沙柳蘸波稊已綠山茶破萼紅
欲然鎖屨十日勅朱墨一出萬象增芳妍書空勿爲煩左手
說法猶能袒右肩吁嗟乎看花故是卿曹事金馬承明此初
地學鮮卑語煎胡桃不如守我雕蟲藝

放言六首

崑崙阿母鬢蕭疏入駿時時候起居聞道穆王最消渴侍臣
青血可留餘

明元有意涉江南夜召儒臣捲御簾人是英雄天與慧一生
長味水精鹽

廉頗解折武安衝仲達深沉敵卧龍老將大都能忍辱不羞

巾幗是英雄

南北當時割地形鍾山不斷六朝青
長江天塹今何有海上三神在戶庭

先主蒼黃失豫州高皇百敗割鴻溝
始終轉敗爲功處只用留侯與武侯

屈鄰求和未足哀當塗使者御車來
紫髯不久居人下爲有張徐將相才

寓言七首

七國雌雄未可知翩然黃綺是吾師
早知秦鹿難收拾萬壑千巖訪紫芝

五噫歌成始欲愁質春夫婦自溫柔
班生九等分人表擬署梁鴻第一流

棘裏銅駝那忍看王尼居處露車寒請君留眼觀滄海處
橫流總不安

子真仙尉足風流攬結烟蘿傍虎邱官職聲名俱貼受更將
嬌女託羊裘

秦人洞口問桑麻箇是斜川處士家爭怪南陽劉子驥一生
心事在桃花

楊李紛紛世苦兵河汾兄弟獨聲名讀書雅慕東皋子有酒
惟同河渚生

清渭盈盈一水中大蓬封邑至今雄才高迹近愁牽挽莫被
新安料放翁

雜言四首

覆雨翻雲世態輕官商難得磬同笙卧龍尙有蘇張事鱗甲

誰能犯李平

甘陵習氣苦難融月且何嘗出至公不信當時耒陽令品題
纔得半英雄

南人品目北人輕愁煞松江陸士衡人乳蒸狔王武子豈知
千里有蓴羹

舉世論文未識真癡如懷祖獨斷斷孫家兒號能言語何物
真豬可笑人

戲效劍南

暉暉初日映南檐且起燒香未卷簾詩似撫番生熟半春如
病瘡暖寒兼笏酬琴去朝叅少鏡換杯來飲量添欲識山齋
閒活計紙條紅白寫書籤

試院雜詩

低睡橫肱坐午窗，篆盤消盡幾銖香。春寒越覺斜陽美，起攝貂衣繞試廊。

故紙嚼殘甘柘渣，卷頭批抹縮秋蛇。春風燐眼生餅水，且喫人間自在茶。

仍歲春風坐講堂，去年亦以正月考試暫辭簿領近文章。河頭日日挑

新齋消領南窗煮餅香。

夜起宣名試學僮，蠟燈排粟飈春風。揚雲不作輜軒使，亦有諸生待至公。

少年屢踐煎茶地，老去重吟食葉詩。秋兔埽殘三萬尾，春蠶收得幾絢絲。

江庾姻家王謝兒，少年頗亦解文詞。閒呼道育傳真訣，更遣宗文寫近詩。

檢校河陽種樹經幾多桃李在門庭
渭南桃子如紅玉抵得綏山臘樣青

鎖廳松桂鎮蕭寒尊酒論文結古懽
莫笑鳳皇毛羽淺官卑原當廣文看

試院喜雪

去年秋雪積盈尺爾後冬晴歷百日
昨來春風猛虎鳴樓臺眩轉飛瑤英
玉雨灑空天女戲春燈飄瓦珍珠細
稍勒曲江紅杏花故黏漢苑芳梅蒂
欲晴欲雨天所難蒼蒼何幸如人意
嚴冬兵車千里行黃棉著地坎陷平
新年麥隴望甘澤萬丈驚衾覆阡陌

秦人以得雪為夢蓋被

大兵已過定豐年吹簫打鼓艷

陽天不憂范叔無袍褐不畏袁詔索酒錢
伊余深閉煎茶院石鼎松聲響秋澗
不夜常疑月照書涉春亦有冰生硯
學僮

瑟縮繞試廊先生點筆依明窗贈汝一匹明光錦乞汝百金
緝澣方冷齋不共高僧話長耳休從相公跨盍將杜陵竹葉
春來酬王建梨花雲

雪花

縣試堂號
題擬作

昨宵天女寄芳音勦水裁冰用意深一枕梨雲尋好夢六棱
梔子欠同心添來梅額疎疎粉印入蓮躩步步金可是三郎
催羯鼓春風一夕動瑤林

雪珠

九天咳唾盡珠璣疑是麻姑擲米爲隋苑有人思抵雀梁園
無客不探驪牟尼一串泥中見交甫雙鬢月下遺莫傍燕支
山畔落怕爲紅豆惹相思

雪夜

梅花和雪繞吾廬。玉砌三層月上初。茶竈更溫醅過酒，紙窗重映讀殘書。上元燈火金難買，待漏衾裯水不如。惟有彩鸞渾忘卻，繡襦甲帳得相於。

雪晴

鵲語晴檐喜不勝。隔牆山脊露峻嶒。溼薪尙困煎茶女，冷徑新來趁粥僧。芭屣滴成三日雨，天山不化萬年冰。涓城又見將軍獵，呼起青天玉爪鷹。

掃雪

外號題
擬作

蔣徑三條粉界成。碧鸞搖尾掃瓊雲。梅花吹盡非長笛，牆脚堆來失短檠。珠婢徘徊腰怕折，玉奴拂掠手常輕。虧他魏勃肌生粟，擁篲朱門待曉晴。

踏雪

不教芒屨濺春泥野寺溪橋獨杖藜高士履穿仍我顧石頭
路滑笑人迷東西舊印留鴻爪前後飛花趁馬蹄舉世由來
忌芳潔瓊瑤一道已成蹊

煮雪

夜寒留客聽松聲鍊汞鎔銀茗事成脾冷何人下蠶豉味腴
以此代尊羹殷勤人意驚毛暖燴沸春風蠓眼生承旨侍兒
堪絕世解將羔酒換瓶笙

嚼雪

明瑤一掬沁詩襟嚙到華池味愈深服玉十年換仙骨餐花
一樹傍瓊林甜於荔子暹冰齒清似梅花可點心見說屠門
在梁苑相如休憶露盤金

得仲彝淮上寄書奉答一首

君游白下已兼旬來去吳波照角巾官燭自聽篷背雨素帶
遙寄隴頭人夾淮芳樹黃鸝語近海人家紫蛙春歸日妝臺
支粉鏡瑤姬應解翠眉顰

春興

閒官久不御障泥山杏將紅水柳低春後花爲鋪地錦雪餘
酒是辟寒犀勸農早祀勾龍社惱客從無謝豹啼關中杜鵑特少
有錫簫吹廣陌市兒爭唱白銅鞮

用前韵寄調冰叔

玉女窗扉用錦泥春朝寒重翠蛾低茶香未忍勞纖手橘醋
深防損瓠犀花管妙從夫子授金堂待試阿侯啼染人常有
如蘭氣那更薰爐蒸狄鞮

仲葵侍姬知書畧變前韵調之

膝上羞沾鄭婢泥，煮茶風裏翠帷低。
眉痕淺淡初三月，心地通靈一點犀。
小字紅蠶黏紙細，清吟黃鳥隔花啼。
蕭郎玉貌風塵老，剩與朝雲說屨提。

再用前韻寄爽翁

茶竈閒燒六一泥，綠烟如水玉鬢低。
風前暗裏薰衣麝，蟬處輕搔押髻犀。
嬉戲花朝連燕九，豔歌子夜和烏啼。
非臺非樹從何悟，結子桃花是菩提。

四疊春興韻

閒舒側理試澄泥，偷賦香詞唱每低。
渴意成瘡彈綠綺，春眠多麗鎮靈犀。
雙鬢送酒遠，巡暖百舌銜花自在啼。
誰信清翁語多綺，一生心事在招提。

雪夜一首改珣孫作

簾犀不動絮香殘，冰合銅龍漏水乾。
白玉堂中常不夜，青綾被底可勝寒。
酒從白傅圍爐飲，書笑匡生鑿壁看。
千載功名憶淮蔡，紅旗平曉到長安。

雪夜詩爲珩孫作語特淺易再賦一首

方牀夜展紫茸茵，雪後惟於燈火親。
竹屋青熒還此地，水精眠夢定何人。
冰堅遼海長鯨偃，月照天山萬馬屯。
天子解貂勸諸將，小臣蕭瑟渭河濱。

雪花和中兒

梁苑花飛白似銀，九天九地散繽紛。
梨雲斗覺千重合，梅瓣遙從五六分。
捉不住，憐風絮冷恨無香，入海棠、羣人閒萬木。
開俱徧，火樹無情獨避君。

雪珠和寶衡

驪龍戰退玉鱗殘收得眞珠顆顆寒幾夜光耀明月佩一生
家住水精盤續紛釋子衣中見珍重仙人掌上看爲粟爲襦
雖不可麥嗟持作返魂丹

答門人問效林艾軒體

人言秋實勝春華儒理分明近道家欲識西來初祖意青猿
抱子蝶銜花

游子遙從萬里歸望雲莫恨到家遲欲知至義從何會塵柄
鏗然硯几時

漫興

陽城書考及三年庶士愔愔識誦絃舉國平安山下火虛堂
來在鏡中煙能裨史闕詩方聖解散春愁酒最賢五斗折腰
甯足計竹兒染女總欣然

書臺南事

手挽陽公落日戈臺南半壁尙嵯峨錦帆號令甘興霸銅柱
威名馬伏波萬戶侯封思靖海一篇檄草誓殲倭諸番生熟
同心膽百粵英雄赴禮羅廣島已更新節度中朝猶保舊
山河單于轉門傷兼病鄧訓從容少制多倉葛嬰城惟有守
岳飛抗表沮言和登樓焦度能訶罵入陣蘭陵自嘯歌宛下
勝兵驅虎豹海東京觀聚鯨鼉眼中黑子如丸耳老去朱耶
奈賊何填海一妹化精衛負山二子走夸娥世傳劉軍門
子女俱善戰生
降那肯臣龍死戰深防損鶴鶴鹿耳潮來兵仗解鴟夷仙
去姓名訛鮫人夜入生金礦龍戶朝飛淡水梭誤國有人同
麴索恨君無命作驪化蚶將此局全輸矣晚得扶餘髻未蟠

鏡煙堂卽事二首

那問鑿鹽事聊師補養家
釜香薑草麵甌嫩菊花茶藥粥堪
和胃芳飴莫膠牙從人乞句漏此意爲丹砂

南牖延曦早東園得地偏
得文方勝錦鏡樣入銖錢食始逢
諸佛研螺繪列仙君看屏上畫誰似季真賢

憶故鄉春事寄廉兒

絳雪堂深春已酣
綠蘿溪路舊曾諳
垂楊不似小時小蝴蝶
亂飛三月三年少
當花調赭白佳人
近水採紅藍
邇來無限
東山意孤負棋楸亦自慙

示吏

朽楊不動靜琴張此亦人天一道場
有漏因緣皆小果無媒
徑路得幽芳錄囚輾轉求生理
退食消凝禮戒香老去詞人
會學道好持經卷懺流光

花朝雨

嬌雲濃暖漏曦光
細草油油雨亦香
欲爲花神携壽酒
恰逢青帝賜天漿

春晝

柳耳纔生蘭眼長
新來嬌燕語雙雙
竹光帶露浮琴几
花氣如煙度藥窗
粉蛺蝶依青玉砌
石菖蒲養紫泉缸
春風十笏
娜環地守戶無勞
雪色厖

雨後芳苔藉綠茵
午晴池館下簾筠
繙書每遇荷花腊
展畫欣看芍藥真
垂柳依然風景地
幅巾忘是宦游人
簿書掃盡
風中簪又得閒齋
一日春

飯飽中庭引鶴雛
更無閒悶可消除
掃砂戲染紅蠅虎
散帙勤搜白蠹魚
新茗試烹騎火葉
遠郵頻到隔年書
尋常篇詠

皆宮體記否前身王仲初

堆案文書雜縹緗雅情俗態一春忙
舊裁紅石爲琴薦新製黃衫學道裝
五筆容齋成野史七籤雲笈有仙方
近來轉覺詩名減爭道夷陵吏事長

用舊韻寄答彥清

黃紙我憐關內襖白頭君尙語兒巾
詞林舊話尋梅子藥竈新香煑茯神
三月禊遊青雀舫一生食料水精人
難忘十七年前事同踏春明陌上春

次韻酬彥清見懷

鳳樓松桂不言寒首宿槃空買醉難
手種梅花三十樹一枝分寄隴頭看

剡雪何人慰歲寒雁程迢遞寄書難
三年懷袖珍珠字人日

花前試拆看

詩成於壬辰之冬
越三年始得寫寄

修門一出酒波寒欲傍紅牆壓笛難可有湖州新樂府吳綾

抄寄順郎看

東風吹柳鬢絲寒兄弟天涯會面難二十年來頻夢見夢中
猶當少年看

孔雀窺池金鈿寒斐然文采掩尤難時人未識冰霜操總把

紅梅作杏看

往日東山話夜寒

丁丑庚辰同
侍廣雅師坐

圍棋插手頗知難紅羊換劫

今如此盡覆殘枰不忍看

誰道梅花各暖寒陸同朱異折衷難

余笑君遁入理學來弟
書辨之乃復演釋

爲酥酪兒爲乳併作金盞沉澆看

湖州城郭水晶寒大好煙波欲住難頭白吳興張武部爲儂

畫入剡藤看

余雅慕吳興山水甲申在都門張叔憲太守繪圖見贈

寄仲彝

杵臼論交弱冠時八年江渭坐相思

己丑歲別於江甯

唱酬園客同

功滿政事羊曇對手棋古有醫書今不用少多客氣老方知

憑君檢點金箱裏多少樊山集外詩

曩與君詩札往還不啻千首今集中所存百無

清明前一日行縣至河北書見

閒騎款段過山家紅女烏僮樂意賒機杆縱橫成柿蒂鞦韆
來往傍梨花欲師田水慚官冗貪看看鋤罷吏衙好辨石泉
與槐火明朝留試雨前茶

柳絲榆莢一時新又及雁公上塚辰游女簪花依石馬村醫
灼艾檢銅人何時烏角真歸里在處緋桃莫問津道是官身

渾不似青衫白騎去班春

余年五十有一左髻裁一莖白漫賦

杜陵看鏡不知愁五十華年尚黑頭恰似梧桐金井上最先
一葉已知秋

何必膏薰苦自煎尋常衣飯每隨緣潘郎本是秋風客笑我
遲生十九年

貴人裹掠髻如銀肝食眞慚老大身卿是世閒公道物憐余
貧賤且饒人

花下依然兩髻髒一星華髮且相留山妻莫更尋刀鐸成就
鴛鴦到白頭

東園桃花盛開用東坡松風亭韻

坡居忽現桃花村東風捲靄香返魂息嬌婉變媚南國玉兒

巧笑傾東昏粉牆竹虎與拘東花光溢出三畝園井欄寒重
宮錦溼屏山密護胭脂溫絳蠟融珠承曉露紅酥暈頰明朝
敷東鄰處子貌霞雪心知楚玉工微言一梳華髮坐相對摩
登乃在居士門青溪垂老遇仙子私邱擬仿吳山尊山尊晚
要孫開
如妹刊印章
曰垂老遇仙

再用前韻

昨宵夢墮東溪村綠陰似幄啼蜀魂醒來簿書堆几案雙瞳
夾鏡猶眇昏巫揮羣吏謝未墨棕鞋過我搗樂園山桃紅白
十餘樹依倚露井砂泉溫似傾卯酒成薄醉欲含宿雨晞輕
瞰遊魚池面競躑刺珍禽竹裏能清言夷陵城東有佳樹清
明醉墨題僧門一十三年與花別誰與細酌玻璃樽宜昌文
昌閣有

碧洗一樹癸未清
明日與客賦詩

三月廿三日立夏始聞雷聲

春蟄今方震，梅天雨閒晴。圓雷轉車過，薄電繞花明。虎豹股
應慄，龍蛇意未平。玉皇恩將帥，天動鼓鼙聲。

夜過東園

天氣輕寒薄，照時主人待。燕下簾，避羅衫。有暈從污酒，銀燭
無煙自按詩。流水落花春去也，清風朗月夜。何其離憂祇覺
年來少，欲學揚雲反楚詞。

初夏

道是春歸恰未歸，繞牆開徧粉荼蘼。荀生籬落行鞭早，梅熟
園林換葉遲。雙燕引雛風似翦，一鳩呼婦雨如絲。山公笑顧
池邊影，短髮飄蕭倒接離。

孫印川萬壑雲興圖

天機夜繹銀疉絲海波曉浴青螺螭山光雲影互離合成就
畫工一段奇畫雲如龍如白馬畫山如象如伏獅畫雲乃得
古篆法偃爲羽葆擎若芝畫山兼得法外意昂若怒轟倪若
龜山山有松皆秀拔松有雲皆下垂以墨淡暈筆橫點米
家法亦兼郭熙雪鴻澗湫作水態篆香搖曳成煙姿滄若純
絲塞黃海皚若皎雪生瑤池一日陰晴可百變終古元氣常
淋漓山川待人作霖雨蛟龍奮起甯無時

卷二十七終

樊山集卷二十八

身雲閣集

起丙申五月
月訖八月

恩施樊增祥雲門

兩月以來差科雲擾午節將近稍就閒曠賦呈西屏

連月倥偬簿領間杖藜今始一窺園香花禮拜詩天子

唐王昌齡

稱詩

天子山水情移畫狀元

明正德時江夏吳偉賜號畫狀元

自煉熟香分戒定

慣書生紙謝膠礬禪心不逐風幡動一任階除鳥雀喧

行縣至高廟晤樊院長別後寄贈

吾宗生計近何如古事紛綸問仲舒地瘦猶能蕃竹柏家貧
惟是寶琴書漫嗟劍鶴吟情減稍喜刀牛習氣除古寺松風
一傾蓋未須親叩子雲居

端午

午日新涼宛似秋廣庭梧竹翠脩脩綠浮一盞菖蒲酒紅煞

兩株安石榴自剝菰筒酬屈子戲拈繪彩製羅暎生衫團扇
香盈路最憶西陵競渡舟

賦得學詩渾似學參禪和宋人九首

趙章泉吳思道龔聖任皆賦是詩大都墮入理窟無
復天機清妙之致今各和三絕句寄爽翁印之

學詩渾似學參禪七箇蒲團坐欲穿拈起靈山花一笑惟應
迦葉具青蓮

學詩渾似學參禪飽飯桃花已十年却被靈雲冷相笑一生
目眇鑊頭煙

學詩渾似學參禪遠路挑包鞞履穿歸去却尋棕拂子曹谿
鉢在卧牀前 右和章泉

學詩渾似學參禪淺瀨徒勞百丈牽一夜江頭春水長布帆

安穩到吳天

學詩渾似學參禪
知見曹溪一著先
了得菩提非樹義
秀師兵解亦神仙

學詩渾似學參禪
拾得明珠在眼前
欲就紫璘問消息
城南草色已如煙

右和思道

學詩渾似學參禪
佳語移人勝管弮
任是無情也迴顧
楊花依約謝橋邊

學詩渾似學參禪
韻漸分明各一天
釣盡芙蓉江上水
竿頭纔遇錦鱗鮮

學詩渾似學參禪
舉世何人可與玄
不遇當時黃蘗老
誰從肋下打三拳

右和聖任

慰李蓋屋解任還省

茫茫宦海抱青琴，山水中間孰賞音。
去馬復還終是福，流丸不止亦何心。
畫探張丑清河舫，詩效梅庚吳市吟。
卜宅瓜門堪結夏，攤書還比住山深。

消夏三首

五月芳廚罷薦櫻，愛聽涼雨滴階聲。
筍縹漸漸看成竹，柳綠垂垂老却鶯。
芥葉總含金石氣，袁中郎之論如此江瑤難掩荔支名。

用東坡語北窓時有風吹鬢，坐使東方几薦清。

洗藥科松樂未慳，更將琴硯伴蕭閒。
竹牀難得秋前雨，團扇新圖雪後山。
詩就手題蕉葉上，夢回身在藕花間。
小池鳴淥鄰鄰起，此是吾家消夏灣。

簾閣清虛草木香，白攜瓶鉢候茶湯。
僧歸華頂貽仙藥，人學湖州課女桑。
疊石也成堆絮體，接花因悟借根方。
閒官大有

閒生活汎擁曹倉萬縹緗

寄懷劉達五同年

君江夏人率同官六年上書求退爲台司慰留

衙齋幽靜似山居半種桃花半種蔬時事深憂回紇馬

時臨事未

靖鄉心遙憶武昌魚略存老輩頭巾氣不寄長安手帕書見

說羲黃在 人世北窗高致定何如

變前韻再寄達五

蕭條天地一癯儒未許投簪賦遂初經藝深於儲六雅治行
平清似陸三魚古方未必今無用月計須教歲有餘異日關
中表循吏安排金管爲君書

遣興

紗帽彈棋遣畫長閒情兼爲覓詩忙書裝卍字回文錦盒印
連環不斷香柳葉魚堪供食料珍珠蘭亦點茶湯松風五月

涼無價好辦桃笙與石牀

長夏戲爲俳體

裹頭自著虎紋巾，烏下虛堂散吏人。
開粥也同僧過夏，思鱸何異女懷春。
古稱名士言多妄，近識詩人懶是真。
我已卅年慙畫餅，不如長作種瓜民。

茉莉用漁洋秋柳韻

同治己巳夏孝達師以此題試宜昌古學，余與仲葵各擬四首，郡守聶公攜呈學使，深蒙賞異，是爲登龍之始。邇來二十有八年矣。詩境纖仄，久經刪削。頃居渭南青門花匠，以茉莉數本舁致縣庭，觸物恨然，因踵前韻寄仲葵徐州，不復敢獻師門也。

一種亭亭倩女魂，移從花埭到朱門。
午香半膩鴉鬢影，晚帶

多留鳥爪痕金縷衣中常作佩素髻斜睂自成村楊妃但索
離支貢欠與三郎仔細論

碧欄銷暑一枝霜香奪風荷十畝塘碾玉成塵歸粉鏡焙花

作腊付茶箱今武漢市茶皆論箱蘭湯浴後逢宜主釵燕橫時薦楚王

一種天生閨閣氣含嬌總近內人坊

青門五換熟羅衣蜚雨吳霜景又非花嫗生涯淮左淡珠娘

消息海南稀茉莉惟揚廣二州最盛清涼誤入梅琴夢端重差同柳絮

飛二十七年前試茗彭城長與素心違

平生香物最相憐舊曲玲瓏玉化煙尙記手痕留畫扇曩在都門

朱生以茉莉飾悉伯師團扇余有珍珠簾詞存集中羞將面藥拭紅絲珍珠淚漬填詞

夜鸚鵡魂銷作賦年庚午客考遂師所有白燕白鸚鵡諸詩留得玉壺冰一片

庾公樓上佐籌邊宋人茉莉詞有冰壺剪就之句

小游仙詩二十二首和荅顧晴谷同年

學道淮南躡紫霞
八公引入玉農家
語聲高亮仙官怒
都廁前頭管落花

箭筈峯巔白玉牀
星冠雲帔足徜徉
興來貪與洪崖博
不肯稱臣事武皇

聲名始自賦棋年
燒芋衡山早得仙
未了唐家帷幄事
白衣朝拜聖人前

猶龍馭氣入西秦
祇有青牛伴老身
俯值負人七百萬
神仙也嘆作官貧

先生僕僕亦何爲
俸薄名高世競推
不見仙壇留氏號
大書杜杜復崔崔

箠打神駒繞日行
雲中清脆玉鞭聲
武皇侍從多諧謔
欲屈

東方作騎兵

雲霞雕籩出天機
庫子將來奉玉妃
著向人間渾未見
上清瓊是第三衣

茅屋空山晚遇仙
夜棋姑婦玉聲寒
道人理會無多子
已覺西京對手難

王陽居處似仙家
麾斥黃金服御華
說向世人渾不解
服卿廉又怪卿奢

巾服華陽望若仙
松風閣裏坐譚元
祇因虻蛭遭煎煉
遲爾飛昇十二年

王老玄風亦大奇
宣平坊裏僂驢騎
賀公夙有黃冠意
肯惜明珠付餅師

身在人閒憶道家
吏人齋牒送煙霞
依稀記得浮圖事
僕射

陂頭白老鴉

姓字多年籍紫庭坐張羽蓋握流鈴
綠知肉食多凡鄙祇飯松脂與茯苓

渭川亦有武陵霞仙令風流聚一家
洞口緋桃三百樹燭兒喫果婦看花

秦臺夫婦學長生敲佩多年住碧城
樓上自吹雙玉管下方聞是鳳皇聲

小小青童五歲強自言母是杜蘭香
聰明欲識人間事偷竊黃麟到下方

太白詩名天地間錦袍污酒自東還
蓬萊方丈多夷獠且可騎驢看華山

自謁麻皮眼倦開雲臺親見太平來
後來和議瀘淵定笑墮

驢鞍又一回

奎宿堂堂值上清玉皇召對不呼名
綠章微示林靈素乞賜神兵斬蔡亨

阿母乘鸞御紫清崑崙官屬孰知名
無人勾管江南道乞許茅盈拜上卿

辟穀收身跡太奇山中黃石久相期
封侯事畢從松子玉貌依前進履時

海上仙雲縹緲開闢風無數好樓臺
琪花滿院閒扁鎖祇等香山得道來

原作十三首

顧曾烜

天柱穹窿不可登珉城何處便軒騰
無端秣騶芝田側
逕上昆侖弟九層

每羨蓬壺雨露私
五雲閣舉入報司外臣
自分無仙骨
曾綴班行敬玉墀

天岸偷騎步景還
紫泥海水著衣斑
歸程繞日周三市
瞬抵關門門未關

關吏猷譚李伯陽
金繩玉牒手鈔忙
五千筐篋家人物
莫學袁生舌本強

壺臬脫手意何如
電驂風馳信有諸
卻惟天公真選事
累它一关一嚙噓

守關二犬吠蒼煙
石壁嵯峨古洞天
當日司空作癡語
果然賃屋住婢娘

濟楚冠裾襲異芬
探囊尚有筆凌雲
開箱自檢研光本
慣炒真靈十寶文

泉流澗澗暗通津
滿酌仙臧玉醴春
小住渾忘身是客
箇中風俗似吳人

人外何須別結廬
縣廳幽邃樹扶疏
携家去作風塵吏
簾閣雙樓證道書

朔望朝參翼佩珂
飛鳧冉冉數經過
歸來且擁黃紬被
生怕人間有罔羅

餐衛間商服食方
門生持議各平章
未宜齊魯宜邾莒
要膾滋鱸莖蜀薑

更乞神漿泛紫霞
腹中時復露槎枒
首山鑄出鳴鳴器
親劈龍肝一尺瓜

枉駕度船東澗東
外兮城畔駐千僮
祇須乞我龜茲枕
箇箇神山到寢中

和作二十四首

譚磨

仙真夜降蔡經家
脯學龍麟酒百花
私發麻姑長指爪
未搔背癢已鞭撻

誰從五岳寫真形
古籀書成勒鼎銘
偶向漢庭宣秘笈
紛紛鈍漢仿圖經

太上真文秘不傳
仙山雲篆鎖巖巖
幾何緣偏授青童去
關尹空輸貨值錢

朱明洞口迓霓旌
絳雪還丹鍊已成
夫婦飛昇上天闕
巡山啞虎亦長生

見說仙官職事煩
功成不願去朝天
九州山水堪遊戲
乞作人間浪漫仙

投贈長生藥一九成
仙容易遇仙難
秦皇漢武徒多事

枉費黃金日鍊丹

東南地戶特幽深鍊就尸骸過太陰
林屋洞天湖底度龍威仙蹟總難尋

種菊徒勞曹太虛不知菊實本仙舖
若非潛玩櫻桃蕊便易鄰娃周少夫

乞食幾羅色界緣摩登伽咒竟牽纏
只因戒定功夫淺未到文殊離慾天

五百真童列侍從人人人口用蠟丸
封九天三界紛來往怕洩天樞秘密蹤

鄮都峯頂久棲真大作黃金普濟人
向後飛昇何太少非無功德苦官貧

和議書成萬眾傳薰天富貴亦徒然
那知地獄安排好

夢山先生集卷二十八
八
着罷袈衣去作仙

無食田家乞晚菘無牀投宿足懸空世閒不義財多少
脩到仙真要固窮

幡腹番僧北海來杖肩布袋募緣迴世閒錢米搜羅盡
難賺頑仙笑口開

幔亭仙樂隱朝暎遺蛻常懸古洞門莫唱人閒可哀曲
下方幾輩又曾孫

魚網兜風水貯筐賭棋飲酒特顛狂山僧識破求丹訣
遺矢門前恨未嘗

金磚布地等恒河萬眾同聲喚奈何只恐下方搜括盡
縱摸邱墓亦無多

蚩尤狂惑播妖氛軒帝垂裳整六軍不是指南消毒霧

諸天將帥乏功勳

因默真人拜阿姑一方井水變醪儲人心險惡誠難度
說少糟床日豢猪

自比西方善眼仙自誇長耳定光禪世尊大笑媯皇怒
罰爾渾河去力田

嘆棄爲魚木作雞糞來白石且充饑神仙太守清貧甚
翻羨人閒富貴兒

效順重膺天后封何來神女下璇宮於今四海繁妖孽
祈借明靈却敵風

無數真人謁帝庭星冠瓊珮火流鈴宮中飽飫流霞飲
從此仙官醉不醒

賣藥終年混市墟爛柯人本是樵胥埽除文字禪家語

豈有神仙不讀書

補壽袁爽秋觀察五十

觀察與余同丙午生頃病後移書索余生挽公誠任
達而傳以豫事爲非禮別撰壽詩八章以寓頌禱云
鳩茲煙浪綠沄沄水拈花壽使君江左風雲連楚尾弧南
星象見秋分道流爭獻長生藥公子能攜八景文
船樣藕欲將土物寄殷勤

車書四海本同天典屬委蛇近十年道里勒成西域考會朝
增訂北盟編能張國勢纔衣紫公已晉二品服爲廣方言罷草玄一

集漸西行萬里珠璣常壓賈胡船

帝詔桓公領姑孰湖陰千騎簇霓旌雲開天上麒麟出草綠
江南獬豸行掾屬都如王法護風流近接謝宣城一篇滴翠

軒中記伐石山椒自署名

當關辛苦事譏征轉餽輸邊仗老成采煉幾人求膽水輓飛
終日役心兵起居夷狄詢安否籌策江東繫重輕前後百函
移幕府嘉謨終始爲蒼生

日下江河夏用夷煮金囚電益支離九流道術薪傳火四子
微言鼎系絲千載孔周常見夢一家仙佛互相師天教生世
爲龍象三教於今仗總持

詩律崢嶸老將壇西江終古自波瀾辛璜搗盡生薑白聖藥
修成至寶丹名語半從莊老出法書真當晉唐看堂堂日月
行天表爭怪蚍蜉撼樹難

草廬遙在富春山七里梅花久未還安置神仙臺閣上調和
嬰姪鼎臚聞貴來每飯思螺蛤病起將詩贈白鷗虹玉腰圍

牢繫定蒼生那肯放公閒

彼此生年丙午同辨香心醉屢提中

公所居曰屢提室

泥雲不隔三

台望綠業都隨半偈空本草藥名無患子江湖鳥喚信天翁
世閒好物惟醕酒再拜持觴獻蓋公

再寄爽翁

與公同歲復同門坐閱名場五十年今世後生殊可畏向來

老輩漸無人漫誇賢聖俱庚戌

曾景建與朱子同庚戌生

未免雌雄判甲

辰記否玉堂周必大亦於茲歲說生申

蓋公亦丙午生

送李韓城之任

關中文物最韓城直以登仙喻此行新尹風流如晉宋舊家

書畫總元明

韓多收藏家

楚詞香草爲姬侍

山谷詩香草當如妾

小雅春鶯

是友生隨例文書勾判了但聞筆管捶琴聲

荅晴谷同年論詩

駮馬傳箋月幾通兩生未便以詩窮知音幸有嚴華谷論定
新煩鞏睡翁八顧聲名鉤黨外九嶷山色夢游中儂家自有
麒麟閣待策逋翁第一功

和作

顧曾烜

仙佛機關兩地通文人狡獪信無窮誰如公健爲勅敵
甚媿吾衰共禿翁也欲激昂千載上相看騰躍百家中
要知嘔出心頭血便算平生汗馬功

題張雲浦畫冊十首

併序

道光間涇陽張雲浦先生官鄂中知縣令嗣文毅公
侍與高要馮中丞均以幼慧得名馮尊人亦宦鄂一
時有兩公子之目浦翁尤精繪事吾楚以甘棠之愛

丈繚尺紙珍逾瑤璧兵後遺墨蓋少余宦秦餘十年
屢求弗獲乙未秋見此册索直較鉅逾年乃以善賈
得之册凡十葉各系以詩並弁其首光緒丙申夏六

月

歡侶控雙衛囊琴從雨奚石綠點秋葉涼風
寫衣試踏霜

橋去青谿水不肥

疏林雙卷第一

萬壑千巖綠霧濃寶陀寺遠不聞鐘春深夏
時節一樹

紫桃斜映松

洞壑春深第二

沙磧待儂試馬野渡無人問津詩格三河年少
一峯老人
仿癡翁沙磧圖第三

五人小結蓑衣社夜夜烏篷曬月歸搭起沙頭新
踏板籠燈

各自認荆扉

漁梁煙翠第四

琴几落梧子溪風香蕩花如煙松際月微映竹籬笆

溪堂梧竹第五

明明春水澗紋生一段雲容貌不成十笏好山新過雨九峯

如墨一峯晴

仿小米雲山圖第六

蠨爪細皴寒樹竈背新於嫩沙欲識騎牛歸處汀南黃葉人

家

遠山秋色第七

竹數竿亭一笠山雨鬢松五鬢山雨驚飛松頂濤竹風掃淨

亭前石何緣不著景中人貌出仙人人不識

仿迂翁竹亭第八

小折倪迂地幾弓波紋虎眼濛晴空秋林誰識疏中密晚照

偏於淡處濃狼鶴十年拋鞵後溪山百里卧游中筮篋莫訝

歸舟晚宦海歸舟不易逢

江山卧遊圖第九

下撰穠已收新籜熟冬暮短僮巾柴車言往斜川路欲造遠

公廬久待漁梁渡高陂水淨往往見鷺鷥牛卧已在欄鴉

栖復滿樹歸遲月挂簷香飯美可茹欲和止酒詩奈乏飲者
趣青壺自斟酌何用謀諸婦寒林老屋第十

暑夜熱甚

絲槐風細月生波滅燭虛堂獨寤歌欲借藕船浮玉井待將
米價問銀河十日不雨米價頗貴避煙白鳥藏衣桁浴露青螢拂扇羅
誰爲乖龍提左耳早教驟雨打新荷

答人間有妾否

鴻廡依依玉案青煮茶無意買娉婷朝餐瓊島千年藥日寫
黃庭一部經不是琉璃休作簾若非雲母漫爲屏秦郎定是
神仙匹難得天邊玉女星

消暑十六韻

紅石裁琴薦斑絲製隱囊茶瓜方合戰醉睡本同鄉池淨漾

荷翠亭虛取竹涼簾通雙燕語瓶合兩花香浸酒絕冰井安
杵掃石牀風爲大王起日賽少年長喁晰調鸚父輕柔進荔
娘洗桐煩綠雨蔭挂乞元霜荀脯宜齋日蕉衫試道裝養生
滋味薄習靜語言忘豔謝江南曲豪辭河朔賜書籤闕尹子
詩調小秦王與客分泉品從僧寫鼓方箋經富山海讀畫泥
瀟湘水鶴閒來往風蟬自抑揚翛然北窗下朝暮見羲黃

招涼篇

蘭苗凡幾箭竹生餘十箇風香繞我身禪寂爲之破無雨僅
十日肺塵不可唾靴履對親賓不冠見書佐門子持事來珠
汗如雨墮亟就香泉浴更移竹牀坐孫媚祖母劉軾憐兒子
過小說耐檢尋新詩互賡和嬌女不讀書梳鬟學髮髻徘徊
闌干曲粒彼鸚鵡餓對茲清意足坐使炎威挫誰持虎爪版

易我北窗卧

疊前韻示客

羅紙泥窗眼金英絮枕囊藥香新婦帖巾樣語兒鄉竹減三分翠荷延丈八涼醉醒桑落酒斷續水沈香蝶抱交花樹龜搗曲木牀屋如蝸殼小人比鶴身長詩翻越三子歌翻吳二娘燕驚朱箔雨蠶避碧幙霜扇用方空製書憑玳瑁裝時賢談亦洽古事記多忘楊柳風中笛蓮花生日觴壺冰遙寄洛林竹不宜王花露真仙液松風本禁方山屏圖白嶽水枕夢清湘宦冷琴攜趙亭閑字問揚冠簪謝拘束底用羨腰黃

界之俊臣及珩孫各和招涼韻再賦一首

戲荷魚一隊占柳鶯兩箇修蘿縛松急勁竹穿苔破飯餘就涼蔭珠濺檳榔唾蜜罐紅檀熟茶甌青子佐二客持詩來玉

盤大珠墮貽厥學我語欲闡竹林坐擁鼻一再吟徐徐清風
過文富可千言香窮或四和我客盡英異我孫尚髻髻客語
如露華慰余蟬腹餓佳雨從東來炎景已西挫今宵斲簟涼
成就吉祥卧

惠洪詩枕臂
聊爲吉祥卧

熱甚兩君倒疊韻見示僕亦繼作

暑夕睫不交移作亭午卧日炙海眼枯羣龍角爲挫每食唯
筍蕨似學墨胎餓解辯無復理甚欲翦爲髻厭聽茶三沸罷
燒香百和何時遣青奴天悔連波過松下引鶴行柳邊傍鶯
坐酪盃蔗霜調絺巾竹粉墮羲和爾何苦甘爲燧人佐惟當
熨棋局作吳語細唾催詩得雨來珠打荷葉破玉壺買春錢
須辦三百箇

今年春孟南皮師帥過蕪湖留飲爽秋暑齋比爽秋以

唱和詩見寄次韻一首

爽秋於滴翠軒治具會雨甚改就延道署權宴彌日

滴翠軒北萬箇蒼筤根雨中迴席不過綠玉君尚書樓船屹
江介繫韉屬道填國門臨汝老作門生長肆筵夙戒濯與閣
謝公躡屐過棋墅虎士擁衛中軍尊一昨鯨鯢滿東海扶桑
杲日誰敢捫 朝拜卜帥授黃鉞衆議殷清先桓桓溫賀蘭不
救睢陽失房瑄遠有陳濤奔吾師談笑靖江左桓桓諸將皆
皆濬渾兵精盡隸北府籍士飽滿酌中衢樽事平持節返湘
漢春濤捲岸江雨昏于湖清醺進龍鮓吸飲月魄餐日魂四
海久望相司馬紫樞行拜

宣仁恩及門不少果達藝留府况有琬尤存會當指示公家
蚪髯取瀛島豈惟手揮勃律玉盃擒堅昆

記客談四首

意輕中國翼霄同獨火貪狼出海東奪我名城如破竹無人
面具敢施銅饗兵誰斫千斤犒媚虜徒誇卅六熊兩見星槎
東犯斗惟知贊普是兄鍾

海內耕夫盡荷戈諸屯月偃復星羅後軍雲擾狼兒淀前敵
冰消獬子窩百萬金錢尖龍猛三千組練付鯨波指天津海嘯事楚
歌聲裏求騅馬徒使英雄喚奈何

救時宰相熟夷情三十年來苦繕征大帝冶金投弱女赫連
蒸土起層城神兵盡聚征南庫兒戲依然霸上營檣櫓鎗鈴
俱不放借用晉人語諸君徒爲寇齋兵

相公東去禮扶桑虎視中原更五洋往事庚申愁白雁魏科
丁未識紅羊人心北嚮思常武衆議西遷避許昌今日漢家
仍小定廟堂薪膽可能忘

爽翁再和桃花源詩語益奇偉率同三首

武陵漁人誤入桃花源贈隱者

此地三閭未卜居
桃花紅白粲林於
田無瓊海長生藥
室有成陽未火書
招得楚漁樽酒共
放來秦鹿雪毛疏
羲黃以上無拘檢
合耦焉知里有鋤

桃花源隱者送武陵漁人出洞

戴笠飄然問後期
洞門仙草號將離
除蟠桃核無持贈
到虎溪橋有過時
樹色總非秦地舊
花名休告阮郎知
離筵客有吹簫者
弄玉當年是本師

武陵漁人再到桃花源尋隱者不遇

浮花依舊小波淪
曖曖墟煙失遠邨
黍飯從容成往事
桑陰迴避畏多言
狎鷗無處尋盟長
失鹿從何覓夢痕
說與漁郎

真福地黃花如錦柳垂門

賀爽翁生女

戟門右悅設良辰好策朝雲第一勳
試詠東坡薄薄酒非男
益覺老懷親

蘭堂薦酒熟青梅采鳳將雛笑口開
郎主親將方藥試女看
看繫錦綳來

芳郭稱詩續玉臺謝公兒女並清才
小襦莫繡芳蓀滿留與

雲翹畫早梅

公長女
工畫梅

分明頰薄似桃根雪白花紅試浴盆
老去遣山渾自詫第三
嬌女魏華存

雨夜作

風動庭梧青玉枝寒聲響咽雨平池
從渠滴損秋階石隱几

遽遽瞋睡遲

燈火秋來稍見親
淡菰清味美於蕓
今年白露過三日
舊木棉裘更昵人

枕上聞雨再賦

深衣不入少年場
紅燭歌樓久淡忘
識得安眠是心學
西風雁唳也尋常

香山枕被亦吾師
厚薄高低取適宜

白詩厚薄被適性高低枕得宜補貼平

生花萼恨對牀閒話
有山妻

涼秋絮被暖於春
夢境甜和亥到寅
多少長安名利客
今宵俱是不眠人

秋雨文園病久蘇
夜欄從滴小槽珠
自緣肺氣秋濤靜
閒煞牀陰玉唾壺

寄仲彝徐州

昔人戲馬鳴鶻處勝日登臺有所思地迴礪雲連沛起秋清
泗水入黃遲身兼琴鶴爲三友花選萱松得二支應笑故人
王定國汎舟不至但題詩

秋興八首

秋色蒼然漢故都西風日夜下庭梧霜清玉女開朝鏡露冷
金人捧夜珠城闕又垂新雁字屏風猶畫釣鼉圖綸竿不屬
任公子詞賦空憐宋大夫

戰雲衰草滿湟中漸覺花門五技窮雪嶺崢嶸誰倚劍酒泉
亭障罷傳烽三城降卒歸仁愿五郡遺黎保寶融天意盡收
迴紇騎洗兵青海莫言功

馬上雄兒喚奈何賊平無復左提戈歸農苦歎黃金盡出塞

誰憐白骨多昔使市人隨戰鬥今爲剽盜滿關河驪山離石
皆前事漫捲朱旗縱凱歌

百年世事豈勝悲諸夏堂堂苦用夷早見荆山開鐵冶晚聞
馳道築金椎極天關塞通車轍掃地泉刀贈海師近日華風
慕齊虜小兒學語蓋鮮卑

卅年置譯滿瑤京主客庭前草木腥微外大秦從跋扈居間

小范費調停銀臺進奏多飛電玉藻新名釋寶星

近見譯署奏藁言寶

星制度甚悉相國近持蘇武節白頭辛苦慙重溟

重譯誰非四子書指蹤先自漢諸儒縹緲行作秦煨燼冠帶
將爲趙曼胡易傳或因龜筮免公羊曾不餅師如尼山日月
開宮殿翻羨波蘭近聖居

自南至北杜鵑聲漸見關西景教行時有戎人伊水祭豈殊

笑厭渭橋盟牧師尙訪唐宮闕夷女都從漢姓名

西國游歷
女子有名

鄧金蓮李翠娥者

九曲崑崙皆濁水且沿清渭濯冠纓

關隴風煙接素秋振衣直上渭城樓縱橫胸次前千古睥睨
人間大九州偶得非餘分餉客因逢國忌輟推囚悠悠此
世吾誰與虹月滄江一釣舟

卷二十八終